

I N D E X
SCHOLARVM AESTIVARVM
PVBlice ET PRIVATIM
IN
VNIVERSITATE LITTERARVM IENENSI

INDE A DIE XXIII M. APRILIS VSQVE AD DIEM XXXI M. AVGVSTI A. MDCCCLXV
HABENDARVM

AUCTORITATE
PRORECTORIS MAGNIFICI
IOANNIS GEORGII ANTONII GEVTHER

PHILOSOPHIAE DOCTORIS ET CHEMIAE PROFESSORIS P. O.

ET
SENATVS ACADEMICI
EDITVS.

PRAEFATVS EST
C. GOETTLINGIVS VNIVERSITATIS PROGRAMMATARIVS
DE M. IVLLI CICERONIS LAVDATIONE CATONIS
ET DE
C. IVLI CAESARIS ANTICATONIBVS.

I E N A E
PROSTAT IN LIBRARIA BRANIANA.

1865

INDEX

SCHOLARUM AESTIVARUM

PUBLISHED BY THE UNIVERSITY

17

UNIVERSITY OF CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

THE UNIVERSITY OF CALIFORNIA, BERKELEY, CALIFORNIA

Post victoriam a C. Caesare ad Thapsum contra defensores reipublicae reportatam, quum Vticae se ipse interfecisset M. Cato de re publica desperans, multi C. Caesaris osores et obtrectatores suaserunt Ciceroni, ut laudationem Catonis scriberet viri integerrimi et cordatissimi. In his Ciceronis hortatoribus praeter M. Brutum 1), Caesaris postea occisorem, inprimis fuisse videtur T. Pomponius Atticus. Nam in epistolis ad Atticum datis (XII, 4) scripsit Cicero, se hoc si faceret, accessurum esse ad πρόβλημα Ἀρχιμήδειον 2), quo intellexit Archimedis arenarium, non aliud: „Non assequor, addit, ut scribam quod tui *convivae* non modo libenter, sed etiam aequo animo legere possint. Quin etiam si a sententiis eius (Catonis) dictis, si ab omni voluntate consiliisque, quae de re publica habuit, recedam ψιλῶςque velim gravitatem constantiamque eius laudare, hoc ipsum tamen istis odiosum ἄκονσμα sit, sed vere laudari ille vir non potest, nisi haec ornata sint, quod ille ea quae nunc sunt et futura viderit et, ne fierent, conten-

1) Cic. orat. 10. Itaque hoc sum aggressus statim Catone absoluto: quem ipsum nunquam attigissem, *tempora timens inimica virtuti*, nisi tibi hortanti et illius memoriam mihi caram excitanti non parere nefas esse dixissem: sed testificor me a te rogatum, et recusantem, haec scribere esse ausum.

2) Cf. Ep. ad Att. XIII, 28.

derit et facta ne videret, vitam reliquerit. Horum quid est quod Alledio¹⁾ probare possimus?

Quanquam igitur Cicero bene sentiret in hoc tramite se incessurum per ignes suppositos cineri doloso, praeter C. Caesarem, quem non potuit non quodammodo vituperare dum Catonem laudaret, non tamen a se impetrare potuit, ut hanc occasionem praetermitteret populi animos quodammodo sibi reconciliandi postquam exilium expertus erat. Scripsit igitur strenue *laudem M. Catonis*, si recte titulum refert A. Gellius (XIII, 19), quanquam postea dixit eundem Ciceronis librum scriptum esse *de vita laudibusque Catonis*.

Ipse tamen Cicero (ad Att. XII, 40) *laudationem* dixit Catonis, morem Romanorum secutus, qui *laudationibus mortuorum* imprimis delectabantur (Cic. Brut. 16); quod plane respondet tam Plutarchi *ἑγκόμιος Κατόνους* (Cic. 30) quam ei *laudationi* quam Porciae, Catonis sorori, scriptam secundisque curis expolitam Attico (ad Att. XIII, 37. 48) miserat. Plerumque tamen postea liber dictus est *Cato*, non addito *laudationis* vocabulo, ut est apud Plutarchum (Cic. 30), Macrobius (Sat. VI, 2. 33) et apud scholiastam Iuvenalis (VI, 338). Hic tamen si dicit *dialogum* fuisse Ciceronis Catonem non eam fidem meretur quam ei tribuit C. A. F. Bruecknerus (vit. Cic. p. 634). Cicero enim

1) Idem commemoratur ad Att. XII, 23 et 28; ubi scribitur etiam *Aledius*. Apud Iuvenalem V, 118. (ubi scholiasta dicit Alledium fuisse hominem quendam gulosum) praeter *Alledius* in libris est *Aledius*, *Alidius*, *Atidius*. Nemo tamen, quum hoc nomen romanum non inveniatur praeterea quod apud Mommsenum Inscr. Neap. legitur *Allidius* quidam, quis esset Alledius apud Ciceronem recte potuit indicare, sed certum videtur esse hic nescio, quem hominem delicatioris ingenii dici *ψευδωνύμως*. Nam ita convenerat inter Ciceronem et Atticum, ut fictis nominibus notarent eos a quibus discreparent.

quasi postliminio parentare voluit Catoni, quod dialogi formam prorsus excludit. Excludit etiam id quod Crematius Cordus apud Filicium (Annal. IV, 34) dixisse fertur quum causam suam ageret in senatu coram Tiberio: „Marci, inquit, Ciceronis libro, quo Catonem caelo aequavit, quid aliud dictator Caesar, quam rescripta oratione velat apud iudices respondit?“ Merito igitur suspicari licebit scholiastem confudisse Ciceronis Catonem maiorem cum minore, quod accidit etiam Prisciano (Inst. X, 3) qui fragmentum quoddam Ciceronis ex laudatione Catonis ab alio grammatico sumpsisse videtur.¹⁾

Mirabile est paucissima tantum fragmenta huius libri ad nos pervenisse, quorum alterum habet Macrobius (Saturn. VI, 2), ex prooemio, ut videtur: Contingebat in eo (Catone) quod plerisque contra solet, ut maiora omnia quam fama viderentur: id quod non saepe evenit, ut expectatio cognitione, aures ab oculis vincerentur,“ alterum Priscianus (Instit. X, 3): „Ignotum alteri, quod patrem, alteri quod tutorem secutus esset“. Quod est apud Gellium (N. A. XIII, 19) non pertinet ad argumentum ipsum, dubia autem sunt verba apud Cic. ad Att. XIII, 27: quanquam de Parthico bello etc.

De Ciceronis Catone sic dixit Niebuhrus (Vorträge über römische Geschichte v. M. Isler III, p. 67): „Nach Cato's Tode schrieb Cicero die berühmte laudatio M. Catonis — wollte Gott, wir hätten sie; wir würden darin Cicero's eigenstes Gefühl recht erkennen können! Diese Schrift macht sowohl Cicero's sehr grosse Ehre, dass er den Muth hatte, sie zu schreiben, als auch Cäsar, dass er sie geduldet; man sieht wie unbefangen man an Cäsars Grossherzigkeit glaubte.“

Multi tamen Ciceronis aequales aliter senserunt. Veluti ipse ille

1) Maiore quod praebent codices seclussit M. Hertzius.

Brutus, qui ad notandum Ciceronem imprimis instigaverat, paullo post alium *Catonem* conscripsit, quo multa ab Cicerone narrata corrigeret ipsumque *Catonem* melius, ut sibi videbatur, adumbraret. Haec dum legit Cicero, ut erat laudationis cupidissimus, mirum in modum exarsit (v. Cic. ad Att. XII, 21), sic enim dixit praeter alia: Hic (Brutus) autem se etiam tribuere multum mihi putat, quod scripserit: *optimum consulent*. Praeter Brutum tamen etiam M. Fabius Gallus *Catonem* scripsit (Cic. Fam. VII, 24) aliique suo quisque modo, de quibus Cicero (Fam. VII, 25) cogitasse videtur quum obscure diceret: „Vereor, ne in *Catonium Catoninos* — (i. e. experiamur)“, in quibus *Catonium* se ipsum intelligit, *Catoninos* vero alios, quasi parvulos *Catones*, i. e. inferioris ingenii homines, qui *Catonem* suum corrigere vellent et emendare¹⁾. His omnibus tamen longe acriorem censorem invenit Cato Ciceronianus in Caesare ipso, qui simulatque sibi in Hispania belligeranti traditus esset liber Ciceronis, A. Hirtio mandavit ut litteris praenunciis Ciceroni significaret se rescripturum esse de Catone. Cic. ad Att. XII, 40: „Qualis futura sit vituperatio contra laudationem meam perspexi ex eo libro, quem Hirtius ad me misit, in quo colligit vitia Catonis sed cum *maximis laudibus meis*.“ Quae Hirtius miserat pro praevia adumbratione (proplasmate ad Att. XII, 41) habenda erant argumenti ipsius libri; scripsit enim Cicero: qualis futura sit vituperatio; Hirtius autem ipse non pauca videtur communicasse cum Caesare de vitiis Catonis, quibus postea usus est dictator, quum ipsum librum emitteret *Anticatonem* dictum²⁾ (secundum *Avulaidas*, antiquarum comoediarum scri-

1) Aliter intellexit Ciceronis verba subobscura Drumannus Röm. Gesch. III, p. 760.

2) Ipsum Caesarem librum suum inscripsisse *Anticatonem* valde incertum est. Cicero

ptiores Cephisedorini et Epitruem). Quam Catonis titulum quasi ab inferis revocavit apud nos Lessingius edito *Anti-Goetio*. Ac tam mirifico delectatus est Cicero epistola Hirtii, anice contentus laudibus suis quas non exspectaverat a Caesare, ut statim ad hunc litteras daret, quasi reconciliaturas quas ipse (ad Atticum XIII, 27) verebatur, ne Caesar quasi *anti-tyrannus* haberet laudati Catonis). Quin etiam postea ad Atticum (XIII, 150) scripsit Caesari nunciatum esse se legisse libros contra *Catonem et vehementer probasse* et postea (51): „Bene existimo de illis libris, ut tibi coram.“ Nae ille parum cognoverat placabilitatem et clementiam C. Caesaris, qui emissio iam Anticatone quum etiam Bruti Catonem perlegisset scripsit ad Balbum: *Ciceronis Catone saepissime legendo se copiosiorum factum, Bruti Catone lecto se sibi visum disertum* (ad Att. XIII, 46). Igitur et Bruti aliorumque Catonibus ut occurreret postea alterum Anticatone priori addidit Caesar, ut iam duo *Anticatones* dicerentur, primum, ut videtur, a Iuvenale (VI, 338). E prioris igitur Anticatone aliquem locum protulit Priscianus Inst. VI, 35 al. Postea tamen ne alterum quidem Anticatone satis esse ratus est Caesar Octavianus, de quo Suetonius (Octavian. 85) haec tradidit: „Multa varii generis prosa oratione composuit, *hunc Anticatone* obdormit ad solis occasum. In hunc Anticatone

certe hoc nomine non utitur, sed de vituperatione Catonis loquitur vel de libris contra Catonem (ad Att. XIII, 50). Quum Quint. (Inst. I, 5) compositionem *Anticatone* et *epilogii* vocabulorum notaverit non sane verisimile est, tali compositione usum esse auctorem libri de *analogia linguae latinae*.

1) Optandum esset servatam esse hanc epistolam ad Caesarem, ut videremus quam se torserit Cicero, ut se Caesari excusaret. Cf. ad Att. XIII, 51. Nam quod publice facere non ausus est, sine dedecore suo putavit privatim facere se posse. Verum post mortem Caesaris aliter visum est Ciceroni. In Topicis enim (25) dixit, *nimis impudenter* Caesarem versatum esse in reprehendo Catone suo.

ex quibus nonnulla in coetu familiarum veluti in auditorio recitavit, non rescripta Brutus de Catone. Quae volumina quum iam senior ex magna parte legisset, fatigatus Tiberio tradidit perlegenda. Operaque pretium est Niebuhris iudicium de Anticato in medium proferre. (Vortr. über röm. G. III, p. 67.): „Wenn es einen grossen Mann in der römischen Geschichte gibt, der seinen Ruf verdient, so ist es Cato. Wenn Cäsar seine Tugend verkleinert hat, so ist es eine verzeihliche Folge der Irritation. — Wenn Cäsar sagt, Cato habe ihn durch seinen Tod beleidigt, da er ihn des Vergnügens beraubt, ihm zu verzeihen, so ist das ganz erschöpfend, auf der andern Seite ist es begreiflich, dass Cäsar sich dennoch durch das Lob des Cicero gereizt fühlte. Daher schrieb er den Anticato, worin er sich wohl einer Leidenschaft überlassen haben mag, die er im Leben gewiss gegen Cicero so wenig wie gegen Cato gezeigt hätte. Er hat nichts so gewünscht wie Cato's Freundschaft: dieser konnte sie ihm freilich nicht gewähren. — Es wäre das abscheulichste Verkennen menschlicher Tugend, wenn man Cato's Reinheit in Zweifel ziehen wollte, aber ein ganz anderes ist, dass Cato mit seinen Grundsätzen und seiner Philosophie dem gemeinen Wesen unendlich geschadet hat. Er wollte mit Strenge alles Bestehende festhalten und nichts zulassen, was an Willkür grenzte.“

Longe graviolem iacturam fecimus perditis Caesaris Anticatonibus quam perditio Catonis Ciceronis. Ille enim vituperando Catonem vituperare voluit rempublicam romanam, quae, utpote inveterascens, non posset regi

1) Non in Anticatoe hoc dixit Caesar sed alia occasione; v. Plat. Cato Min. 72.

2) Nescio quo testimonio haec nitantur.

nisi unius dictatura¹⁾. Hinc igitur graviter invectus est in Catonem, cuius imaginem adversam pinxisse Cicero videbatur pulcherrimam, eius partem quasi aversam proposuit turpissimam multisque vitiis contaminatam. Omnia enim quae in Catonem dixit Caesar dicta sunt serio, quanquam invidiosiore modo, de *satira scribenda* non cogitavit²⁾ nisi forte quae in prooemio Anticatonis de Ciceronis laudibus conscripsit ironiae quandam speciem prae se ferunt. Plutarchus enim (vit. Cic. 39) refert Caesarem comparavisse Ciceronem cum Pericle et Theramene³⁾. Quae si erant ironice dicta mitigata tamen sunt eo quod addidit se ipsum in bellis gerendis occupatissimum (Plut. Caes. 3) nolle Ciceroni eloquentissimo viro aequiparari. Nec minus ironice dicta videntur, si pertinent ad Anticatonem, quae Plinius habet H. N. VII, 117. de Cicerone a Caesare dicta: „Ciceronem omnium triumphorum lauream adeptum esse maiorem.“ In universum autem Caesar in vituperando Catone via et ratione quadam oratoria usus est⁴⁾ in Anticatone, quod ipse Cicero post mortem Caesaris notavit subirascens. „At, quum aliquid de utilitate, honestate, aequitate disseritur, deque iis rebus quae sunt his contrariae: incurrunt status aut iuris aut nominis: quod idem contingit in laudationibus. Nam aut negari potest id factum esse, quod laudatur, aut non eo nomine afficiendum quo laudator

1) Suet. Caes. 58. Verbum M. Catonis est unum ex omnibus Caesarem ad evertendam rempublicam sobrium accessisse.

2) Ch. Merivale: history of the Romans under the Empire. T. II. (ed. II.) p. 498: „the celebrated *satire* on Cato.“

3) Certe quae de Ciceronis similitudine cum Theramene Cothurno dixit Caesar non serio dicta sunt. Theramenis enim orationes Ciceronis aetatem non tulerunt (v. Cic. de orat. II, 22), ut haec potuissent de hominis eloquentia intelligi.

4) v. Quintil. Inst. III, 7 fin.

affecerit, aut omnino non esse laudabile, quod non recte, non iure factum sit. Quibus omnibus generibus usus est nimis impudenter ¹⁾ Caesar in Catonem meum (Topic. 25).“

Dixi magnam nos fecisse iacturam perditis Anticatonibus Caesaris; verumtamen non omnis spes intercidissee videtur fore ut aliquando inveniantur hi libri „famosissimi“, ut dixit scholiasta Iuvenalis. Nam Ioh. Ludovicus Vives ²⁾ quum Augustinum de civitate dei ederet primum, Lovanii a. MDXXII, ad I, 23 huius libri his verbis usus est: „Libros scripsit Caesar Anticatones duos contra Catonem Ciceronis, ut Cicero et Suetonius meminerant. *Ea volumina* vir clarissimus *Erardus a Marca*, Valentinus et Leodiensis episcopus, his proximis diebus in amplissimum Cardinalium ordinem cooptatus, mihi dixit se in antiqua quadam Bibliotheca Leodii vidisse et curaturum, ut ad me mitterentur. Quodsi, uti spero, fecerit, non invidebo studiosis hominibus lectionem eorum.“ Haec vero ita contraxit Vives in altera editione Augustini: „Libros scripsit Caesar Anticatones duos contra Catonem (Ciceronis nomen omisit), ut ipse Cicero et Suetonius meminerant. *Ea volumina* vir clarissimus Cardinalis Leodiensis (huius etiam nomen tacuit) *confirmavit* se in antiqua quadam bibliotheca Leodii vidisse et curaturum ut ad me mitterentur — lectionem eorum.“ Viden' quantum intersit inter dixit illud, quo antea usus erat Vives A. MDXXII et posterius illud confirmavit, quo plane docemur Comitem de la Marck haec non quasi praetereundo dixisse, sed diserte ac sobrie rem repetisse, ut non amplius dubitaverit Vives, sed etiam illud uti spero prioris

1) Imprudenter legitur apud F. Kranerum p. 397, vitio typothetico, ut videtur.

2) v. Paquet: Mémoires de l'histoire littéraire — des Pays-Bas, T. II, p. 34. (oct.)

editionis in altera editione plane omiserit. Rem notaverat ex altera editione Augustini Stœrius et nostris temporibus Villoisonus *Anecd.* II, p. 263, qui priorem editionem Vivis non consuluerat. Sin sit quispiam qui Cardinalem inconsiderate haec dixisse et confirmasse¹⁾ Viviputet, scito ille in coenobiis Leodiensibus olim antiquas bibliothecas fuisse cum raris quibusdam cimeliis, in quibus enituit celeberrimum illud *Diptychon Leodiense* seculi sexti (in fronte sunt nomina consulis orientis *Anastasio* cet.), olim asservatum in Basilica Maxima *D. Lamberti*. Vide de hoc Diptycho quae scripsit *A. Willehmus* ex societate Iesu (in *A. Fr. Gori thesauro vet. Diptychorum* T. I. p. 17). Accedit aliud quod pro bono omine haberi possit fore ut aliquando etiam Anticatones alicubi reperiantur in Belgio, quum *D. Lamberti* templum dirutum sit in tumultu Gallico. Nempe Villoisonus l. l. item commemoravit in bibliotheca Basileensi, monente *G. Cupero*, olim asservatos fuisse Commentarios Eustathii in Pindarum quos non amplius comparere sciscitanti *Cupero* responderat *Scheuchzerus*. His ipsis tamen temporibus detecti sunt in bibliotheca Basileensi a *Tafelio* et editi *Francof. MDCCCXXXII*.

Ipse quum essem aliquot ante annos Leodii perlustravi bibliothecam universitatis Leodiensis, nihil tamen neque ibi reperi Anticatonum neque postea *Bruxellis*.

Nunc autem fragmenta librorum (v. *Nipperdeii* edit. p. 762) in ordinem quendam redigere conabor, ut catalogum quasi habeamus vi-

1) Haec agitata sunt mutuis epistolis inter Cardinalem et Vivem. Edita est quaedam farrago *I. L. Vivis* epistolarum post obitum viri Antverp. 1556; in his autem de Anticatonibus nihil.

tiorum Catonianorum. Caesar igitur in M. Catone acerbe vituperasse dicitur. **I. Turpissimam avaritiam.** Hanc eo ostendisse, quod cineres fratris sui Servilii Caepionis cuius haeres fuit quemque magnopere dilexerat (Plutarch. Cat. 3) cribro perpurgaverit, ne quid unquam auri perderet a flammis rogi forte liquefacti (h. l.). V. Plutarch. Cat. Min. 11. Caesarem ipsum hoc probum in Catonem iactasse non dicit Plutarchus, verisimile est tamen Anticatonem eius in animo habuisse Plutarchum. Contra idem Plutarchus diserte commemorat (Cat. min. 36) in dividendis bonis Ptolemaei Cyprii Caesarem notasse in Anticatonem nimiam aviditatem Catonis. Hic tamen, si strenuus fuit in dividenda praeda Cypria, reipublicae non sua causa sic se gessisse putandus erit. (v. Drumann. V, p. 262). Certe si Munatium, cui fidem habuit Caesar hac occasione forte in ordinem coegit quum liceretur non vituperandus erat. (Plut. Cat. min. 36).

II. Ebrietatem. Apud Plin. Epist. III, 12 leguntur haec: „Erant officia antelucana, in quae incidere impune ne Catoni quidem licuit, quem tamen C. Caesar ita reprehendit ut laudet. Scribit enim eos, quibus obvis fuerat, quum caput ebrii retexissent, erubuisse.“ Deinde adiecit Plinius: „Putares non ab illis Catonem, sed illos a Catone deprehensos. Potuitne plus auctoritati tribui Catoni, quam si ebrius quoque tam venerabilis erat?“ Igitur si semel ebrius inventus est Cato, non vituperandus fuit propter ebrietatem.

III. IV. V. Arrogantiam, superbiam, dominatum. Gell. IV, 16, 8. C. etiam Caesar gravis auctor linguae latinae, in Anticatonem: *Unius, inquit, arrogantiae superbiaeque dominatuque.* Haec tamen an pertineant ad Catonem ipsum ex Gellii verbis non plane elucet.

VI. Impudicitiam. Haec ad duo exempla relata est a C. Caesare. Vnum ad Serviliam viduam, sororem Catonis cum qua foede vixisse dicebatur. Plut. Cat. Min. 54: ἀλλ' ὅγε Καῖσαρ οὐδὲ τῶν ἐκ ἐκείτης βλασφημιῶν τοῦ Κάτωνος ἐφείλατο, nemo autem praeter Caesarem dixit Catonem cum Servilia contumeliose vixisse, alterum ad Marciam coniugem Catonis pertinet, quam maritus concessisse Hortensio dicebatur petenti ut liberos ex ea quaerere sibi liceret, post mortem oratoris autem denuo recepisse in matrimonium (Plut. Cat. Min. 52) eamque heredem Hortensii. Ad hanc rem pertinet, nisi fallor, quod ex Anticatone protulit Priscianus Instit. VI, 35 al. „Caesar in Anticatone priore:“ uno enim excepto, quem alius modi atque omnis, natura finxit, suos quisque habet caros.“ Catonem igitur videtur dixisse suos (i. e. inprimis Marciam) non habuisse caros ideoque hominem fuisse *omnis caritatis et pietatis expertem*. De Marcia an honeste sit factum et decore dubito sed permissum id erat moribus Romanorum (Strabo Geo. XI, p. 515), si repudium¹⁾ in hunc finem fuisset anteactum. Saepius tamen haec quaestio Catoniana agitata est in scholis rhetorum. Quint. Inst. X, 5. *Cato Marciam honestene tradiderit Hortensio, et: Conveniatne res talis bono viro?* Cf. III, 5. Aliter de hac re iudicavit Lucanus Phars. II, 338 qui introducit Marciam, obedientissimam Catoni, sic dicentem:

1) Tamen secundum Isidor. Or. IX, 8. posteris temporibus eiusmodi repudium dicebatur *frivolum*. „Frivolum est quum eo animo separantur, ut rursum ad se invicem revertantur (sc. meliore fortuna). Nam frivolum est velut quassae mentis et effluxae nec stabilis. Proprie autem frivola vocant fictilia vasa inutilia.“ Certe de *frigusculo* quodam non cogitandum est. Ceterum de Marcia dixi Histor. R. P. R. p. 96. Defendit Catonem etiam Montesquieu: *esprit des Loix* L. XXVI, 18.

Dum sanguis iherat, dum vis materna, peregi
Iulsa, Cato, et geminos excepit foeta maritos.
 et postea 388 de Catone:

Venerisque huic maximus usus

Progenies, urbi pater est, urbiq̄e maritus.

Sed omnino Cato Stoicus etiam in hac re praecepta Stoica quodammodo secutus esse videtur. V. Diog. Laert. v. *Zenonis* VII, 28. *κοινὰς τὰς γυναῖκας δογματίζειν (τὸν Ζήνωνα) ὁμοίως Πλάτῳ ἐν τῇ πολιτείᾳ,* Simili et aliquanto foediora docuerat *Chrysippus* apud Diog. L. VII, 12. ut par sit paullo lenius iudicare de hac re per se turpi.

Tamen si his omnibus turpiora non fuerunt multa alia quae Caesar in Catone vituperaverat, certe fatebimur magnum dictatorem in his libris plurima tradidisse ita ut altitudine qua excellebat animi ipse se exuerit. Sed exarsisse videtur eo quod nimis laudibus, a Cicerone imprimis, ornatum videret Catonem propter „nobile letum“ illud. Reprehendit igitur in Catone vitia ipsius reipublicae romanae properantis ad interitum. Nihilominus tamen Anticatones Caesaris moribus non dignos fuisse aperte dicendum est; recte enim Archilochus, poetarum mordacissimus:

οὐ γὰρ ἐσθλὰ κατθανοῦσι κερτομεῖν ἐπ' ἀνδράσιν.

LECTIONES

I. ORDINIS THEOLOGORUM

1. PROFESSORUM ORDINARIORUM.

CAROLUS AUGUSTUS HASE, D., h. t. Decanus, privatim dd. senis hora X *Historiae ecclesiasticae* partem priorem enarrabit, *publice Seminarii theologici exercitationes* una cum collegis SS. VV. moderari perget die Iovis horis vesp. VIII et IX.

IO. CAR. ED. SCHWARZ, D. privatim quinis diebus h. XI—XII *Artem homileticam et liturgicam* docebit. *Publice* 1) binis diebus *Historiam concionum sacrarum* enarrabit hora posthac definienda; 2) *Seminarium homileticum* die Mercurii h. XII, *catecheticum* die Saturni hora XI moderari perget, ita quidem ut cum illo *exercitationes liturgicae* coniungantur.

LEOPOLDUS IMMANUEL RÜCKERT, D. 1) *Pauli ad Galatas et ad Corinthios* epistolas enarrabit *privatim* sen. dd. hora VIII; 2) *Theologiam ethicam* pertractabit *privatim* sen. dd. h. IX. Denique *Seminarii theologici* exercitationes moderari perget una cum Collegis VV. S. VV.

AUGUSTUS KOEHLER, D. privatim 1) *Iesaiæ vaticinia* interpretabitur quinques per hebdomadem hora VII; 2) *Syntaxim linguae Hebraeae* exponet ter per hebdomadem hora XI; *publice* 3) *Linguam Chaldaeam* adiuncta libri Danielis explicatione docebit bis per hebdomadem hora XI; 4) *Seminarii theologici* studia moderabitur cum Collegis VV. S. VV.